

Turkiston

1925-yildan chiqqan boshlagan

«Kamolot» yoshlar ijtimoiy harakati Markaziy Kengashining nashri

www.turkiston.uz

2014-yil 12-mart, chorshanba № 20 (15762)

Navqiron avlod so'zi

САНЪАТГА, САНЪАТКОРЛАРГА ЭЪТИБОРДАН МАМНУНМАН

Хар бир инсонда яширин истеъдод бўлади. Уни ўз вақтида аниқлаб, тўғри мақсадга йўналтириш кишининг юксак қўқилларни забт этишига асос бўлади. Мен болалигимдан сахна санъатига меҳр қўйдим. Актёрларнинг маҳорат билан роль ижро этишлари, суҳандонларнинг сўзларни марварид каби териб қўллаши мақсадим сари дадил қадам ташлашимга тurtки бўлди.

Оиламизда санъаткорлар бўлмаса-да, театр ва кинога бўлган қизиқишим кундан кунга ортаверди. Мактабда деярли ҳеч бир сахна кўриниши ва томошалар менинг иштирокимсиз ўтмас эди. Мактабни тамомлагач, Республика нафис санъат лицейининг бадий сўз ва суҳандонлик бўлимида таҳсил олдим. Лицейда пухта ўзлаштирган билимларим туфайли Ўзбекистон давлат санъат ва маданият институтининг драматик театр ва кино актёрлиги факультетига юқори балл билан ўқишга қабул қилиндим. Баҳодир Назаров, Мунаввара Абдуллаева, Хайрулла Саъдиев, Арсен Исмоилов, Махсума Ҳожиматова каби эл таниган устозлардан таҳсил олдим.

Актёрлик касбининг машаққатидан қочмадим. Кунт билан ўқиб-ўргандим. Меҳнатим театрдаги устозларим томонидан муносиб баҳоланиб, иккинчи курсда менга «Андишали келинчак» спектаклида бош ролни ижро этишни таклиф қилишди. Ушанда катта орзуларимдан бири ушалган эди. Ўзбек миллий академик драма театри актрисаси бўлдим. Аста-секин юртимиздаги таниқли кино ва дубляж режиссёрлари эътиборига тушдим.

Ўзимга нисбатан талабчанман. Ўз устимда тинимсиз ишлашни одат қилганман. 2010 йилда «Камолот» ёшлар ижтимоий ҳаракати Марказий Кенгаши томонидан «Ўзбекистон белгиси» кўкрак нишони билан тақдирландим. Бу ютуқ мени яна изланишга ундади. Интилишларим янада юқори баҳоланиб, 2012 йилда «Шухрат» медалига сазовор бўлдим. Юртимизда истеъдодли ёшлар кўп. Давлатимиз барчамизга эътибор кўрсатмоқда, муносиб рағбатлантирмоқда.

Вақтимни бекор ўтказмасликка ҳаракат қиламан. Бўш вақтимда Шекспир, Ҳёте, Тохир Малик ва Ўткир Ҳошимов асарларини мутолаа қиламан. Айни пайтда Жалолитдин Румийни ўқияпман. Шунингдек, инглиз ва рус тилларини пухта ўрганапман. Шеър ёзиш ҳам сеvimли машғулотим. Инсон чин кўнгилдан истаса, барчасига вақт ва сабр топар экан.

Президентимизнинг Ўзбек миллий академик драма театрининг юз йиллигини нишонлаш тўғрисидаги қарори қабул қилинганини эшитиб, театр жамоаси — барчамиз ич-ичимиздан қувондик. Бу нафақат бизнинг театрга, балки мамлакатимиздаги барча театрларга санъатга қаратилган катта эътибор деб биламан. Театримизнинг янги ускуналар билан таъминланиб, замон талабларига жавоб берадиган ҳолда таъмирланиши, шароитларнинг яхшиланиши биз, санъаткорларга янада илҳом бағишлайди. Бизга кўрсатилаётган бундай эътиборни қадрлаймиз, албатта.

Ватанимга менинг ҳам оз бўлса-да, фойдам тегса, бахтиёрман.

Дилноза КУБАЕВА,

Ўзбек миллий академик драма театри актрисаси, «Шухрат» медали соҳиби



Ҳустам Назарматов олган сурат

Yoshlarga oid davlat siyosati — amalda

КУЧЛИ, БИЛИМЛИ, ДОНО ВА БАХТЛИ АВЛОД

Фарзандлар камоли ва иқболлини кўзлаб, эзгу ниятлар билан яшаш халқимизга хос улугъ фазилат. Авлоддан-авлодга ўтиб, сайқал топиб келаётган бу азалий қадрият мустақиллик йилларида янада бойиб, ҳеч кимдан кам бўлмаган баркамол авлодни тарбиялаш масаласи давлат сиёсати даражасига кўтарилди.

Истиқлолнинг дастлабки ойларида қабул қилинган ёшларга оид давлат сиёсатининг асослари тўғрисидаги Ўзбекистон Республикаси қонунининг биринчи моддасида ёшларга оид сиёсат Ўзбекистон Республикаси давлат фаолиятининг устувор йўналиши бўлиб, унинг мақсади ёшларнинг ижтимоий шаклланиши ва камол топиши, ижодий иқтидори жамият манфаатлари йўлида имкони борича тўла-тўқис рўёбга чиқиши учун шарт-шароит яратиш ҳамда уларни кафолатлашдан иборатдир, дейилади.

Хар қандай мамлакатнинг қудратини белгилайдиган омиллар кўп. Энг асосийларидан бири шу юртда вояга етган мақсади ёшларнинг ижтимоий шаклланиши, жисмонан соғлом, эртанги куннинг ҳақиқий эгалари бўлган баркамол авлоддир. Президентимизнинг истиқлолнинг дастлабки йилларида айтган «Фарзандларимиз биздан кўра кучли, билимли, доно ва албатта, бахтли бўлишлари шарт», деган эзгу ниятлари ўтган давр мобайнида босқичма-босқич ҳаётимизда ўз ижобатини топмоқда.

ФАРЗАНДЛАРИМИЗ БИЗДАН КўРА КУЧЛИ...

...Қишлоғимизда футбол ўйнаш учун битта мактаб стадиони ва қирга туташиб бир текислик бўларди. Яқинда қишлоққа бордим. Учта мини-футбол майдони қурилиб, фойдаланишга топширилган, болалар тажрибали мураббий раҳбарлигида миллионлар ўйини сирларини ўрганмоқда.

— Икки нафар ўқувчим «Бунёдкор», биттаси «Насаф» футбол клубининг академиясида таҳсил олаётган, — дейди мураббий фахрланиб.

Хаёлим болалик йилларида кетди: Бахтиёр деган тенгдошим футболни жуда яхши ўйнади, унга ҳамма ҳавас қиларди. Келажакда унинг машҳур футболчи бўлишини, у билан фахрланиб юришини истарди. Отаси маҳалла аҳлининг қистови билан ўша пайтдаги етакчи футбол клубига олиб борди.

Мураббийлар уни синая кўриб — «Зўр! «Класс!», дея бош бармоқларини ўйнатибди. «Келажакда яхши футболчи чиқади, ўзимиз сизларга хабар берамиз. Ҳозирча ўғлингиз билан қишлоққа қайтаверинг».

Орадан йиллар ўтди. Уни ҳеч ким йўқламади...

...Бугун нуфузли халқаро мусобақаларда иштирок этаётган ўғил-қизларимиз сафи тобора кенгайиб, улар қўлга киритаётган совринлар микдори кўпайиб бормоқда. Жаҳон миқёсидаги нуфузли спорт мусобақаларида Ўзбекистон вакиллари муваффақиятли иштирок этмоқда. Бир пайтлар спортчиларимиз сафи тобора кенгайиб, улар қўлга киритаётган совринлар микдори кўпайиб бормоқда. Жаҳон миқёсидаги нуфузли спорт мусобақаларида Ўзбекистон вакиллари муваффақиятли иштирок этмоқда. Бир пайтлар спортчиларимиз сафи тобора кенгайиб, улар қўлга киритаётган совринлар микдори кўпайиб бормоқда. Жаҳон миқёсидаги нуфузли спорт мусобақаларида Ўзбекистон вакиллари муваффақиятли иштирок этмоқда.

(Давоми 3-саҳифада)

Hududlardan mujdalar

ҚОРАҚАЛПОҒИСТОН
РЕСПУБЛИКАСИ

Тўрткўл туманидаги 18-ихтисослаштирилган мактабда стол тенниси бўйича «Камолот» маликаси» спорт мусобақасининг туман босқичи бўлиб ўтди.

Унда тумандаги мактаб, академик лицей ва касб-хунар коллежлари ўқувчилари 14 — 16 ҳамда 17 — 19 ёш тоифасида ўз маҳоратларини намойиш этди. Яқунда мактаб ўқувчилари ўртасида 3-мактабдан Шахло Раимберганава биринчи ўринни эгаллаган бўлса, ўрта махсус, касб-хунар таълим муассасалари ўқувчилари орасида Тошкент давлат аграр университети Нукус филиали қошидаги Тўрткўл академик лицей ўқувчиси Саида Самандаровага тенг келадигани топилмади.

СИРДАРЁ ВИЛОЯТИ

Боёвут туманидаги 5-музыка ва санъат мактабида «Камалак» билимдонлари» республика танловининг туман босқичи бўлиб ўтди.

Танловда иштирок этган жамоалар тақдирот, сахна кўриниши, савол-жавоб, ижтимоий лойиха каби шартлар бўйича маҳоратларини кўрсатишди. Жамоалар белгиланган шартлар орқали «Камалак» болалар ташкилоти ҳақида қанчалик хабардор эканликларини намойиш этишди. Натижада 13-мактабнинг «Ниҳол» жамоаси биринчи ўринга, 46-мактабнинг «Боёвут ниҳоллари» жамоаси иккинчи ўринга, 40-мактабнинг «Етти жилва» жамоаси учинчи ўринга сазовор бўлди. Танловнинг вилоят босқичига «Ниҳол» жамоаси чиқди.

БУХОРО ВИЛОЯТИ

Когон шаҳридаги «Темирйўлчилар» маданият саройида «Жажжи қизалоқ — 2014» кўрик-танлови бўлиб ўтди.

Когон шаҳар «Камалак» болалар ташкилоти ташаббуси билан ўтказилган танловда мактабларнинг 4-синф ўқувчи қизлари бешта шарт бўйича куч синашди. Беллашувлар сўнггида Когон шаҳридаги 8-мактаб шаънини ҳимоя қилган Дилноза Бозорова «Жажжи қизалоқ» номинацияси голиби деб топилди. 17-мактаб ўқувчиси Дурдона Аҳадова «Жажжи бегойим», 5-мактаб ўқувчиси Ферангиз Аслонова «Жажжи бекажон» номинациясида голиб бўлди.

Танлов сўнггида «Темирйўлчилар» маданият саройи қошидаги «Замонавий рақс» тўғараги аъзоларининг мусиқий дастури намойиш этилди.

ЭЪЗОЗГА ЛОЙИҚ

Юртимизда хотин-қизлар ҳар доим эъзозу эътиборда. Лекин шундай улуг сана борки, айнан шу кунни азиз онажонларимизга, лобар опа-сингилларимизга кўнгул тубидаги тўйғуларимизни, дил изҳорларимизни билдиришга, илиқ сўзларимизни айтишга ҳар кунгидан-да кўпроқ имкон бор. 8 март — Халқаро хотин-қизлар байрами айнан шундай кун.

Байрам муносабати билан «Камолот» ёшлар ижтимоий ҳаракати Тошкент шаҳар кенгаши ташаббускорлигида Успенский номидаги Республика ихтисослаштирилган мусиқа академик лицейида «Сен барибир муқаддасан, аёл» деб номланган байрам тадбири ўтказилди.

Унда «Камолот» ЁИХ Тошкент шаҳар кенгаши томонидан Ҳаракат ти-

зимиди фаолият олиб бораётган фаол, ташаббускор етакчи хотин-қизлардан — «Бунёдкор» ёшлар телеклуби ижрочи директори Муқаддас Қамбарова, Тошкент тиббиёт академияси қошидаги академик лицей БТ етакчиси Барно Муллажоновна, Сергели политехника касб-хунар коллежи БТ етакчиси Нозима Азимова, ТАТУ қошидаги академик лицей бошланғич

ташкilotи етакчиси Азиза Ҳақимова, 293-, 64-, 175-, 38-, 262-, 170-, 162-, 160-мактаблардаги бошланғич ташкilotлари етакчилари Хуршида Абдурахмонова, Гулчеҳра Абдурахмонова, Марҳабо Шермухаммедова, Ойшабону Анварова, Моҳигул Жумаева, Малика Болтаева, Сабоҳат Нигматова, Моҳира Хўжаева диплом ва эсдалик совғалар билан тақдирланди.

Шунингдек, байрам тадбири давомида «Камолот» ЁИХ Тошкент шаҳар кенгаши қошида ташкил этилган «Камолот» шоу» ижодкор ёшлар клуби аъзолари ижодининг тақдироти ҳам бўлиб ўтди.

Тадбирда дилбар аёллар, назокатли қизларни мадҳ этувчи шеър, куй ва кўшиқлар йиғилганларга янада кўтаринкилик бахш этди.

Майсапа НАЗАРОВА,
«Turkiston» мухбири

■ «Kamolot» sadosi ■

БИЛИМЛИ ВА ЗУККО ҚИЗЛАР



Зомин туманидаги маиший хизмат ва транспорт касб-хунар коллежида «Зулфияxonим қизлари» кўрик-танлови ташкил этилди.

Туман Хотин-қизлар кўмитаси, «Камолот» ЁИХ Зомин тумани кенгаши ва коллеж маъмурияти ҳамкорлигида ўтказилган танловда ўқувчи-қизлар таништирув, савол-жавоб, мушоира, амалий иш каби шартлар асосида ўзаро беллашди.

Бир-биридан қизиқарли ўтган шартлар сўнггида маиший хизмат ва транспорт касб-хунар коллежининг 2-босқич ўқувчиси Дилрабо Норбоева «Энг зукко ва билимли Зулфияxonим қизи» деб топилди.

Ғолиб ва фаол иштирокчилар ташкилотчиларнинг эсдалик совғаларига эга бўлишди.

Акмал РАҲМАТУЛЛАЕВ,
Жиззах вилояти

■ Har kunimiz Navro'z bo'lsin ■

Шу кунларда мамлакатимизнинг барча ҳудудларида бўлгани каби Қорақалпоғистон Республикасида ҳам Наврўз байрамига қизгин ҳозирлик кўрилмоқда.

ОБОД УЙЛАРДА БАЙРАМ ШУКУҲИ

Президентимизнинг шу йил 24 февралда қабул қилинган «2014 йилги Наврўз умумхалқ байрамига тайёргарлик кўриш ва уни ўтказиш тўғрисида»ги қарориди белгиланганидек, ушбу умуммиллий байрамнинг маънавий ҳаётимиздаги ўрни ва таъсири, инсоннинг табиат билан уйғун бўлиб яшаши, унинг қалбида эзгулик, меҳр-оқибат, бағрикенглик каби олижаноб тўйғуларни уйғотиш, жамиятимизда ўзаро ҳурмат ва ҳамжиҳатлик муҳитини янада мустаҳкамлаш, ёш авлодимизни миллий қадрият ва анъаналаримиз руҳида камол топтириш борасидаги аҳамияти тобора ортиб бормоқда.

Қорақалпоғистон Республикасининг Кегейли туманидаги «Жузимбақ» овул фуқаролар йиғини ҳудудида намунавий лойиҳалар асосида бунёд этилган янги қишлоқларда ҳам кўкламги ободонлаштириш ишлари бошлаб юборилди.

Давлатимиз раҳбарининг 2009 йил 3 августдаги «Қишлоқ жойларда уй-жой қурилиши кўламини кенгайтиришга оид кўшимча чора-тадбирлар тўғрисида»ги қарорига мувофиқ аҳолининг яшаш шароитини яхшилаш, уй-жойга бўлган эҳтиёжини қондириш мақсадида 2009 йилдан буён туманининг икки массивида 90 замонавий уй-жой қурилиб, фойдаланишга топширилди. Жорий йилда яна 30 ана шундай турар-жойлар қад ростламқда.

— Наврўзи олам арафасида намунавий лойиҳалар асосида барпо этилган уйлارга 65 оила кўчиб ўтди, — дейди «Жузимбақ» овул фуқаролар йиғини раиси Сағиниш Бозоров. — Бундай уйларидаги замонавий шароитдан ташқари, ҳудуднинг ўзида спорт майдончаси, савдо дўкони, новвойхона, сартарошхона ва бошқа хизмат кўрсатиш объектларининг ҳам мавжудлиги овул аҳлини беҳад мамнун этмоқда.

А.ОРТИҚБОЕВ,
ЎЗА мухбири

СИЗГА ҲАВАС ҚИЛАМИЗ!

Аёл — бу ёруғ оламда бетакрор фазилатлар билан сийланган мўғтабар зот. Унинг муштдек юрагида дунёларга татийдиган меҳр-муҳаббат, гулдан нозик жуссасида ҳаётнинг залворли юкени кўтарувчи куч бор.

Сирдарё вилоят «Камалак» болалар ташкилоти ҳамда «Соғлом авлод учун» хайрия жамғармаси вилоят бўлими турли соҳада меҳнат қилган, айни кунда кексалик гаптини сураётган ана шундай

азиз аёллар ҳолидан хабар олиш, улар билан яқиндан танишиш мақсадида «Мунис онахонлар фарзандлар эъзо-зида» лойиҳасини ўтказди.

Лойиҳа доирасида «Камалак» сардорлари вилоятда-

ги кўплаб мунис онахонларнинг хонадонларида бўлишди. Учрашувда кекса онахонлар ўз ҳаёт тажрибалари, меҳнат фаолиятидаги ютуқлари ҳамда бугун ёшларга берилаётган имкониятлар ҳақида гапириб, қимматли маслаҳатларини беришди.

— Лойиҳа давомида кўплаб онахонларимиз билан яқиндан танишиб, уларнинг нафақат оилада меҳрибон, балки жамиятда фаол, илғор эканлигига яна бир бор амин

бўлдик. Биз ҳам улардек ташаббускор, фаол ҳамда саботли бўлишга ҳаракат қилишга ваъда бердик. Мана шундай момоларимиз билан ҳар қанча фахрлансак арзийди, — дейди вилоят «Камалак» болалар ташкилоти сардори Робия Мамадалиева.

Учрашув сўнггида ёшлар момоларга табрикнома ва эсдалик совғаларини топширишди.

Наргиза ХОЛБОЕВА

Shunday markaz bor

ХУНАРГА ХАВАСМАНД ЁШЛАР

Хар сафар таътилда уйга борсам, ўртоғим Нағимага пойтахт таассуротларидан сўзлаб бераман. У менинг инглиз тилини ўрганаётганимни, компьютердан тузуккина фойлана олишимни эшитиб жуда ҳаваси келарди.

Бу гал ҳам уни яна нималар деб ҳайратлантирсам экан, деб борсам, вазият бошқачароқ. Мен унга ўзимча тикиш-бичиш, пишириқларни астойдил ўргатмоқчи эдим. Негадир, дарагимни эшитса, тезда уйимизга келадиган дугонамни толмадим. Онам бунини шундай изоҳлади:

— Оппоғим, Нағима жуда банд бўлса керак. «Камолот»нинг қандайдир тўғарақларига қатнаша-япман, деганди...

Ҳозир Ҳаракатнинг Қорақалпоғистон Республикаси Тўрткўл туман кенгаши қошидаги «Ёшлар ижтимоий хизматлар маркази»да ўтириб, ўша воқеаларни бир-бир эслайман. Бу ердаги тикувчилик, компьютерни ўрганамиз, ёш рассомлар ҳамда «Зулфияном кизлари» тўғарақлари фаолиятини ўз кўзим билан кўриб, дугонамнинг хунар ўрганишга иштиёқининг боисини тушунгандек бўлаяпман. Чунки марказда ёшларнинг хунар эгаллаши, қобилиятини юзга чиқариши учун барча имкониятлар бор экан.

Келинг, марказ ҳақидаги маълумотларимизнинг тасдиғи сифатида сизни ҳам тўғарақларга чорлайлик.

Беш нафар қиз тикув машинасини бошқараяпти. Узун бўйли қиз матоларни қирқаяпти. Уларга тўғарақ раҳбари Манзура Алимова йўл-йўриқ кўрсатмоқда.

— Гўзал, кўйлакнинг енги сал кенгроқ

бўлсин. Елка қисмидан икки сантиметр пастлатиб тик.

Манзура опа иш жараёнини кўздан кечирди-да, тўлачадан келган аёлга юзланди:

— Опа, кўйлагингиз ўн дақиқада эгингизда бўлади. Қизларимнинг кўли гул, ишни тез битиради.

Бошқа бир хонада эса мушоира авжида. Тўғарақ раҳбари Урингул Эсонова ёш қаламкашларга маслаҳатлар бермоқда. Ўқилган шеърларни таҳлил қилишмоқда.

Хонага кирган киши, бу ернинг ижодий устахона эканлигини дарров сезади. Чунки рангбаранг расмлар, бўёқлар, рамка, қоғозлар бизга бу ҳақда дарак беради.

Мана «Кўк денгиз» расми. Унда муаллиф Алибек Шойимов ой шуъласида мавжланаётган асов дарёни тасвирлабди. Минаж Айтимбетов эса «Карвон йўлидаги вақт» суратида вақтни олиб кетаётган тўғарақларни тасвирлаган... Ҳаммаси ажойиб...

— Келажакда шоира бўлмоқчиман, — дейди Тўрткўл туманидаги 7-мактабнинг 8-

синф ўқувчиси Торғин Бозорбекова. — «Зулфия қизлари» тўғарақига бир ойдан буён қатнашиб шеър ёзишни машқ қиляпман. Бизга шундай шароитларни яратганларга раҳмат айтаман. Мазкур «Ёшлар ижтимоий хизмат-

лар маркази»нинг ташкил этилганига ҳам етти йил бўлибди. Ушбу марказ қанча кўли гул тикувчилару дастурчилар, рассому бўлғуси шоир, ёзувчиларни улғайтириб, катта ҳаётга учирма қилмаяпти, дейсиз.

Бу муболага эмас, албатта. Чунки ҳар йили марказда камида уч юз нафар йигит-қиз касбухунар ўрганаёпти.

Кумар БЕГНИЯЗОВА,
«Turkiston» мухбири



Ta'lim muassasalarida

Бугун юртимизнинг шаҳару қишлоқларида бирдай кўркам, замонавий спорт иншоотлари ҳамда таълим масканлари фаолият кўрсатмоқда. Кармана туманидаги 25-ихтисослаштирилган мактаб-интернатда 252 нафар эшитишда нуқсонли бор ўғил-қиз таълим олмоқда.

ҚАТЪИЙ ИНТИЗОМ ВА ДОИМИЙ МАШҒУЛОТЛАР

Бу ерда ўқувчиларнинг жисмоний тарбия ва спорт билан шуғулланишлари учун барча шароитлар мавжуд. Мактаб-интернат қошидаги спорт-соғломлаштириш мажмуаси ҳам ўқувчилар хизматида. Мамлакатимизда жорий йилнинг «Соғлом бола йили» деб эълон қилиниши билан болалар спортга бўлган эътибор янада кучайди.

Таълим муассасасида жисмоний тарбия дарсларини ва спорт машғулотларини пухта, замонавий усулларда ташкил этиш ҳамда фаолият кўрсатаётган спорт тўғарақларини зарур инвентар ва жиҳозлар билан таъминлаш мақсадида Болалар спортини ривожлантириш жамғармаси ҳисобидан ўн миллион сўм маблағ ажратилди. Бунинг натижасида ўқувчилар ўз устида тинимсиз ишлаб, яхши натижаларни қўлга киритишмоқда.

— Ўқитувчи-мурабийлар жисмоний тарбия дарси ёки спорт машғулотлари олдидан ўқувчиларнинг махсус формада бўлишлари ҳамда спорт жиҳозларидан тўғри фойдаланишда хавфсизлик қоидаларига амал қилишларини қатъий назорат қилишади, — дейди мактаб-интернатнинг ўқув ва тарбия ишлари бўйича директор ўринбосари Хуршида Эргашева. — Натижада ўқувчилар интизомга ўрганиб, пухта тайёргарлик асосида ўз маҳоратини ошириб боришмоқда.

Жисмонан соғлом, маънан тетик бўлган бундай ўқувчилар келажакда ўзлари истагандек етук инсонлар бўлиб камол топишларига ишонамиз.

Нилуфар ХЎЖАКУЛОВА,
Навий вилояти

Daxldorlik

Ўзбекистон «Адолат» СДН Тошкент шаҳар кенгаши «Ёш адолатчилар» қаноти фаолларининг навбатдаги ҳисобот-сайлов конференцияси бўлиб ўтди. Унда «Ёш адолатчилар» қанотининг ўтган йилларда эришган ютуқ ва камчиликлари таҳлил этилиб, «Соғлом бола йили»да бажарилиши зарур бўлган вазифалар белгилаб олинди.

Tashabbus

ИҚТИДОРЛИ ЁШЛАР КЛУБИ

Алишер Навоий номидаги Ўзбекистон Миллий кутубхонасида ёш олим, ёзувчи ва ижодкорлар учун «Иқтидорли ёшлар клуби» ташкил этилди. Клуб машғулотларини Миллий кутубхона нашриёти бош муҳаррири, таниқли шоир Шукр Курбон олиб бормоқда.

Хар икки ҳафтада бир марта ўтказиладиган клуб машғулотларининг дастлабки бўлиб ўтди. Унда адабиёт, санъат, маданият, спорт каби турли йўналишлар бўйича маҳоратларини ошириш истагида бўлган иқтидорли ва зукко ёшлар иштирок этди. Машғулот доирасида турли хил ижодий учрашувлар, маҳорат дарслари, ижод намуналарининг тақдироти ўтказиш режалаштирилган. Ўзининг шеърини машқлари билан клубда иштирок этаётган Шайхонтоҳур туманидаги 59-ихтисослаштирилган мактабнинг 5-синф ўқувчиси Барно Мамажонована ана шундай иқтидорли ва истеъдодли ёшлардан.

— Мана шундай мухташам илм масканида истеъдодли

тенгдошларим билан бирлашиб, фикр алмашишимизнинг ўзи бир бахт, — дейди Барно Мамажонована. — Рақс санъатига қизиққан боис, туманимиздаги «Баркамол авлод» болалар ижодиёти марказидаги «Юлдуз» фольклор рақс дастасига қатнашман. 2010 йил Польшада ўтказилган «Баҳорги юлдузлар» фестивалида куш рақси билан 2-ўринни эгалладим. Уша йили Чехияда ўтказилган халқаро фестивалда миллий рақсларимизни ижро этиб, фахрли биринчи ўринга сазовор бўлдим. Ўтган йили «Юрт келажиги» республика иқтидорли ёшлар кўриқтанловининг республика босқичида шеърини ўйнашида муваффақиятли иштирок этдим. Етти ёшимдан «Камолот» ёшлар

ижтимоий ҳаракати қошидаги «Бунёдкор» ёшлар телеклубида, шунингдек, «Ёшлар» телерадиоканалининг «Болалар вақти» саҳифасида, «Тошкент» каналидаги болаларга мўлжалланган теледастурларда бошловчи ва суҳандонлик қилиб келяпман. Ижодий ишларим билан «Тонг юлдузи» газетасида ҳам мунтазам қатнашиб тураман.

Янги ташкил этилган клубда Барно каби ёш, изланувчан ва зукко ўқувчи ва талабалар кўпчиликни ташкил этади. Жаҳон талабларига жавоб берадиган замонавий муассасаларда таълим-тарбия олаётган, аниқ ва эзгу мақсадлар, чуқур, замонавий билимларга эга, юрт равнақиға муносиб ҳисса қўшиш истаги билан яшаётган иқтидорли ёшларнинг, клуб ташкилотчиларининг фаолиятига омад тилаймиз.

Дилшод РЎЗИКУЛОВ,
ЎЗДЖТУ талабаси

ЮТУҚ ВА КАМЧИЛИКЛАР ТАҲЛИЛ ҚИЛИНДИ

Дастлаб, конференция кун тартибига мувофиқ партиянинг Тошкент шаҳар кенгаши «Ёш адолатчилар» қаноти кенгаши раиси С.Маткаримовнинг 2010 — 2013 йиллардаги иш фаолияти юзасидан ҳисоботи тингланди.

— Президентимиз раҳнамолигида ёшларнинг баркамол инсонлар бўлиб вояга етиши, илм-фан сирларини мукамал эгаллаши, истеъдодини тўлиқ намоён этиши учун барча шароит яратилмоқда, — деди С.Маткаримов. — «Ёш адолатчилар» қаноти ўз олдига ёшларни мамлакатимиз ва жамиятимизда кечаяётган ижтимоий-иқтисодий, ижтимоий-сиёсий, маънавий-маърифий ислохотлар жараёнига кенг жалб этиш, уларнинг ҳуқуқий онгини ошириш, Ватанга садоқат, меҳр-муруват туйғуларини ошириш, турли зарарли оқимлар таъсирига тушиб қолишдан ҳимоя қилиш каби мақсадларни қўйган.

2013 йил партия ҳаётида унутилмас воқеаларга бой бўлди. Ўтган йил давомида партиянинг фаол, фидойи ёшлари маънавий-маърифий, тарғибот-ташвиқот ишларини фаол олиб боришди. Умуман олганда, ҳисобот даврида «Ёш адолатчилар» қаноти томонидан юздан ортиқ тадбирлар ташкил этилган бўлиб, уларда ўн минг нафарга яқин ёш қамраб олинди.

Конференцияда «Ёш адолатчилар» қаноти фаолиятидаги камчиликлар, якунига етказилмаган лойиҳа ва тадбирлар ҳам танқидий таҳлил этилиб, 2014 — 2019 йилларга мўлжалланган устувор йўналишлар тўғрисида ўзаро фикр алмашилди ҳамда «Соғлом бола йили» Давлат дастурида белгиланган йўналишлардан келиб чиқиб, жорий йилда «Ёш адолатчилар» қаноти зиммасига юкландиган вазифалар белгилаб олинди.

«Ёш адолатчилар» қаноти кенгашининг янги таркиби ҳамда республика ҳисобот-сайлов конференциясига делегатлар сайланди.

Конференция сўнгида кун тартибидеги масалалар юзасидан тегишли қарорлар қабул қилинди.

Эъзозхон АБДУЛЛАЕВА



Мана шу тилак, ишонч одамга ғайрат бағишлайди.

Хўш, Наврўзнинг оҳанрабои нимада? Нега уни кишилар соғиниб кутади-лар? Бунинг жавобини Наврўзи оламини бир марта бўлсин, ўзи туғилиб ўсган гўшада, тупроқ чангитиб бирга ўйнаб катта бўлган жўра-йўлдошлари, қишлоқдошу маҳалладошлари бағрида нишонлаган киши яхши билса керак.

ДИЙДОР АЙЁМИ

Қишлоғимизга Наврўзда борган одам у ерда минг киши нари-берисиди аҳоли яшашига ишонгиси келмайди. Сабаби — томири шу элга туташ кимки бор, унда жам бўлади.

— Менга қара, ўғлим, сен Фалончи аканинг кенжасимасмисан?

— Ҳа, ўша кишининг ўғли бўламан. — Отанг жуда яхши одам эди. Отангнинг ўзи бўлибсан, барака топ...

Синфдошлар билан ҳазил-хузул қилиб, гурунглашиб турсак, олдимиздан яна бир кексароқ киши ўтиб қолади. Саломимизга алик олиб, ҳар биримиз билан қўл бериб кўришади, сўрашади, танимаганлари билан танишади.

— Болам, Тоштемирга ўхшаб турибсан, лекин Саъдин дўхтиргаям эн тортиб кетаяпсан, кимнинг ўғли бўласан?

— Саъдин дўхтирнинг жияни, Тоштемир аканинг ўғлиман, бобо.

Қишлоқ фахри бўлган, лекин бугунги кунда юртимизнинг турфа шаҳарларида яшаб, меҳнат қилаётган кўпгаб зиёли инсонлар билан Наврўзда танишганмиз. Чунки улар ҳар айёмда канда қилмай киндик қони тўкилган шу тупроққа ошиқадилар. Хотиралар уйғонади, суҳбатлар қизийди.

Уларни ойда-йилда бир ерга жам қилган, тонготар гурунларга чўғ бериб, дийдорларига сабаб бўлган айём Наврўз бўлади.

ИНСОН ТАБИАТИГА МУШТАРАК

Дунёда байрам кам дейсизми? Икитаси учрашиб қолса, ўтириб ниманидир «нишонлашга» киришиб кетадиган халқлар ҳам бор. Бироқ тузукроқ назар солсак, уларнинг кўпи ўйлаб топилган, бир-икки нафар шинаванданинг хоҳишистаги бўйича юзага келган, муайян вақт, шароит тақозосига кўра белгиланган «муҳим сана», байрамлар эканига гувоҳ бўласиз.

Кўпгина миллий байрамларимиз қатори Наврўзнинг ҳам бошқа байрамлардан ажралиб турадиган жиҳати кўп.

У, авваламбор, соф табиат билан боғлиқ айёмдир. У инсон ҳаёти ва турмуши учун зарур бўлган муҳим астрономик кузатишлардан олинган хулосалар асосида пайдо бўлган. Ота-боболаримиз уни азалдан кеча билан кундузнинг тенглиги, йилнинг бошланиши, зироатчилик мавсумининг аввали сингари маиший турмушга муштарак жиҳатлари учун севиб нишонлаган бўлса, минг-йилликлар давомида унга бошқа фазилатлар ҳам қўшилиб, файзу тароват касб этиб келди. Наврўз атрофида жуда кўп эзгу удумлар жам бўлди. Умуман, у бошдан-адоқ инсон сажияси, турмуши, яшаш тарзи, пировардида, бутун ҳаётига эт билан тирноқдек боғланиб кетган азиз айёмга айланди.

ХАЙР-САХОВАТ ВА ҚАДРИЯТЛАР ТАНТАНАСИ

Юртбошимизнинг «Юксак маънавият — енгилмас куч» китобида шундай дейилади: «Халқимиз маънавиятини юксалтиришда миллий урф-одатларимиз ва уларнинг замирида мужассам бўлган меҳр-оқибат, инсонни улуглаш, тинч ва осойишта ҳаёт, дўстлик ва тотувликни қадрлаш, турли муаммоларни биргалашиб ҳал қилиш каби ибратли қадриятлар тобора муҳим аҳамият касб этмоқда. Бу борада маънавий ҳаётимизнинг узвий қисмига айланиб кетган ҳашар одати истиқлол даврида янгича маъномазмунга эга бўлиб, умуммиллий анъана тусини олгани барчамизни мамнун этади.

Ҳар йили Наврўз ва Мустақиллик байрамлари арафасида ўтказиладиган умумхалқ ҳашарлари бунинг тасдиғидир».

Чиндан ҳам, Наврўз — бошдан-адоқ эзгуликлар байрами. Унда халқимизга хос барча фазилатлар мужассам. Чунки бу кунда муҳтож кишиларга меҳрмурувват кўрсатилади, хайр-эхсон қилинади, ҳашар уюштирилиб, юрт чиройига чирой қўшилади.

Булардан кўзланган мақсад, фақат бугунги кунимизнинг яхши ўтиши, жойларимизнинг янада обод, кўркам бўлишига эришиш эмас. Бу эзгу удумлардан кўзланган мақсад ғоят улуг. У орқали ёш авлод қалбида қадриятларга бўлган меҳр янада ошади, эзгу фазилатлар қарор топади. Масалан, умумхалқ ҳашарларида қатнашар экан, ўспиринларда «юртни обод қилиш» ғояси шаклланади. Мактаби, лицей ёки коллежидан ўқитувчиси бошчилигида маҳаллада яшовчи ёрдам-

Наврўз оҳанрабои

Ҳар бир дақиқа бизни кўтлуғ кўнга яқинлаштирмоқда. Аммо теварак-атрофга назар солсангиз, Наврўз тақдирини аллақачон кўрилганига гувоҳ бўласиз. Ҳар ким, аввало, қилида Наврўзга ҳозирлик кўради: «Бў йил Наврўз, албатта, бошқача бўлади!»

га муҳтож кексаларникига бориб, уй юмушларига қарашар экан, болалар ва ўсмирларда «бировнинг ҳожатини чиқариш яхши иш эканлиги» ҳақида ёқимли тасаввур ҳосил бўлади.

— Болалар, келаётган ҳафта Наврўзни нишонлаймиз. Эсингизда бўлса, ўтган йили бу айёмда кўп хайрли ишларни қилган эдингиз-а? Айтинг-чи, бу йил яна нималар қилмоқчисиз? — дея ўқувчилар эътиборини тортади ўқитувчи.

— Кўчат ўтқазамиз, дарахтларни оқлаб, тагини юмшатамиз. Ҳовли-жойларни супуриб-сидирамиз. Ҳамма жойни озода қиламиз.

— Сумалак пиширамиз, катталарга кўмаклашамиз.

— Кексалар ҳолидан хабар оламиз, уларнинг уй ишларига қарашамиз.

— Аразлашганлар бўлса, Наврўзда бир-бирини кечиринишади. Ҳамма бирига яхшилик қилади, гина-кудуратлар бўлса, унутилади...

— Жуда яхши, ҳурматли ўқувчилар! Сиз ҳам шу ишларни яна биргаликда қилишни хоҳлайсизми?..

Ишончимиз комилки, юртимиздаги ҳар бир мактаб, академик лицей ва касб-хунар коллежида мана шунга ўхшаш суҳбатлар бўлиб ўтади. Бу ҳам бўлса, Наврўзнинг фақат шод-хуррам-

лик, ўйин-кулги байрами эмас, улуг фазилатлар, хайр-саховат, қадриятлар айёми эканидан дарак беради.

У ҲАМИША СИЗ БИЛАН БЎЛСИН! (Байрам тилаги)

*Янги ой ёр юзи бирла
кўруб эл шоду хуррамлар,
Манга юзу қошингдин
айру байрам ойида ғамлар.*

*Юзи Наврўзию васли ийдини,
Бобур, ғанимат тут —
Ки, мундин яхши бўлмас
бўлса юз наврўзу байрамлар.*

(«Бобурнома»дан)

Дарҳақиқат, Наврўз — озодлик, саришталлик, эзгулик байрами. У, авваламбор, кўнгиларга кириб келади. Уни ғанимат тутмоқ, байрам баҳона юракдаги энг самимий тилакларни дўсту яқинларга изҳор этмоқ, инсонларга яхшилик соғинмоқни касб тутганлар барака топгайлар. Ниятимиз: Наврўз ҳамиша сиз билан бўлсин.

Элмурод НИШОНОВ,
«Turkiston» муҳбири

Алломалар Наврўз ҳақида

*Абу Райҳон Берунийнинг «Қадимги халқлардан қолган ёдгорликлар» асаридан:
Бу ойнинг биринчи куни наврўздир. Наврўз янги йилнинг биринчи куни бўлиб, унинг форсча номи ҳам шу маънони тақозо этади.*

Икки кеча-кундуз баробарлигига келганда, олдин шаҳар кенглиги ва тўла мойиллик билинмасдан, у икки кунни билиб бўлмайди. Сўнгга бу фақат астрономияга диққат билан эътибор берган, унинг илмидан хабардор, кузатиш кўроллари, уларни тиклашни ва улар билан иш қилишни билган кишигагина равшан бўлади. Демак, шу сабабларга кўра йил боши бўлишига Қўёшнинг иккала туриши икки кеча-кундуз баробарлигидан кўра мувофиқроқдир. Ёзги қўёш туриши шимол томонда тик тепага яқинроқ келганидан уни йил боши бўлишига қишқисига нисбатан муносиб кўрганлар.



ОДОБ, МАДАНИЯТ — ИНСОН КЎРКИ

Ўқитувчи танишим бор. У билан гурунглаш- сак, гап, албатта, ёшлар мавзусига бориб тақалади.

- **Ҳозирги ёшлар компьютерни сизу биздан кўра яхши билади, чет тилларни мукам- мал ўзлаштирган. Илм-фан, спорт, санъат соҳасидаги ютуқларини дунё тан оляпти, — дейди у тўлқинланиб.**
- **Ҳа, ёшларнинг устун жиҳатлари кўп, — тан оламан унинг фикрини маъқуллаб. — Лекин, назаримда, ёшларнинг одоб-ахлоқи бироз ўзгаргандай.**

— Компьютер, телефон, телевидение, хориз сериаллари ҳаётимизга шиддат билан кириб келди. Тўғри, булар инсоният яратган мўъжизалар. Бироқ бу мўъжизанинг ижобий томони билан салбий жиҳатлари ҳам борлигини ёддан чиқармаслик лозим, — давом этади педагог суҳбатдошим. — Ахлоқсиз, беҳаё кадрларни тўп-тўп бўлиб томоша қилаётган ўқувчилар қўлидан неча марталаб телефонини олиб кўйганман. Ўқувчиларни синамоқчи бўлиб, қайсидир сериалнинг қахрамонини сўрасам, фильмнинг ўзини бошдан-оёқ айтиб берадиган катта сериалларни кўрадиган кичик томошабинларим ҳам йўқ эмас. Яқинда бир ўқувчининг онаси бошқа бир ўқувчининг онасига: «Қизингизнинг телефонини текшириб туринг, кечаси билан ўғлимга «эс-эм-эс» ёзади, дея бақириб кетди. Уларни аранг тинчланттирдим. Бир куни кечкурун ишдан чиқиб уйга борсам, онам хомуш ўтирибдилар. Нима бўлди, мазангиз йўқми, деб сўрадим. «Ҳаммаси яхши, болам», дедилар. Кўярда-қўймай, нима гаплигини сўрайвердим. Онам: «Бугун сени айтганингни қилиб машинага чиқсам бўларкан. Автобусдан тушаётсам бошим сал айланиб кетди. Бекатдан ўтиб кетиб қолмай, деб шошилиб тушаётиб, бир ёш қизнинг оёғини босиб олдим. Ҳали узр сўрашга улгурмасимдан, опоқи, туфлимни расво қилдирганга-ку, бу туфлим сиздан қиммат туришини биласизми, деса бўладими. Неварам тенги қизнинг зардаси кўнглимга қаттиқ ботди, болам, дедилар онам жуда хафа бўлиб.

Унинг сўзларини эшитиб, тагин ўйлаб қолдим. Одоб, ахлоқ, маънавият — инсоннинг кўрки экан-да. Афсуски, ёшларимиз орасида ўзини тутишни билмайдиган, одобсизлар ҳам учраб туради...

ТАНБЕҲГА МУҲТОЖ КАТТАЛАР

Мактабдаги ота-оналар мажлисига одатдагидек, оналар йиғилди. Мажлис бошланшига анча бор.

— Мажлис нима ҳақда экан, билмадингизми? — сўради олдинги қаторда ўтирган аёл ёнидагидан.

— Билмадим, ёшларнинг кийиниши ҳақида дейишаётувди, шекилли, — жавоб берди шериги.

Суҳбат анча қизиди. Ёшларнинг, айниқса, қизларнинг очиқ-сочиқ, калта-култа, тор кийинишию кимлардан андоза олаётганлари хусусидаги

баҳс-мунозара қизиқ кетди.

Суҳбатга қўшилмай жим ўтирган, ёшига номуносиб, пўрим кийинган аёлга суҳбат ёқмади:

— Намунча ёшларга ёпишиб олдиларингиз? — деди энсаси қотиб.

— Нега жаҳлингиз чиқади? — деди ўтирганлардан бири.

— Ахир, қизларимизнинг кийи-



ниши ҳар биримизни қизиқтириши керак-ку, — танбех берди аёллар.

— Бу фикрларингизга умуман қўшилмайман, — деди ҳалиги аёл жаҳл билан. — Мен, масалан, қизимнинг шунақа кийинишини хоҳлайман. Ва ўзим сотиб олиб бераман ҳам. «Модний» кийимларни ҳозир киймаса, қачон кияди? Турмушга чиққач, кия оладими, йўқми, худо билади! Шунинг учун қизимни хоҳлаганимдай, замонавий кийинтираман.

— Калта, очиқ-сочиқ кийинишни замонавийлик деб ўйлайсизми? — киноя билан сўради ёнимдаги аёл.

— Бўлмасам-чи? — ҳеч иккиланмай жавоб берди у.

— Хўш, энди айтинг-чи, қизингизга охири марта қандай китоб олиб бердингиз? — орқадан келган овоз кескин эди.

Сумбатидан от хуркадиган аёл, афсуски, бу саволга тузукроқ жавоб қайтаролмади...

Шу суҳбатдан сўнг кўча-кўйда ёқа-елкалари очиқ, калта, тор кийинган қизларни кўрсам, айб кўпроқ айрим ота-оналарнинг ўзида эканлигини тушуниб етаман.

ТЕЛЕФОНДА ҚАНДАЙ СЎЗЛАШАСИЗ?

Бугунги кунда жамоат жойларида ёшларнинг телефонда узундан-узоқ, аллақандай аралаш-қуралаш «лаҳжа»да сўзлашаётганларининг гувоҳи бўла-

миз. Баъзиларини эса телефонни овунчоққа айлантириб олган, деса ҳам бўлади. Бу, табиийки, атрофдагиларнинг гашини келтиради.

Ҳар бир нарсанинг меъёри бўлгани каби телефонда гаплашишнинг ҳам меъёри бор. Телефонда узоқ гаплашиш унга боғланиб қолишга, шартли рефлексга айланиб қолишга, бу эса турли салбий оқибатларни келтириб чиқаришини биламиз. Одамнинг телефонда қандай гаплашаётганига қараб унинг тарбияси, қандай эканлигини билса бўлади.

Бекатда телефонда гаплашиб турган айрим ёшларнинг суҳбатида сиз ҳам бир эътибор қилинг-а.

— Устозингга бир нарса деб, чакагини ўчир. Ўн бирдан кеч қолмай чиқ. Соғиндим. Сан

кино экан, айниқса, ёшлар тарбияси учун», деган гапига қизиқиб, кинотеатрга оилавий тушдик. Кино зали турли ёшдаги томошабинлар билан тўла. Орқа ўриндиқларни кўпроқ ёшлар банд қилган. Интиқлик билан қутилган томоша бошланди. Ҳақиқатан ҳам, киноасар яхши. Олди-қочди, бачканамас. Мавзу долзарб. Ота-оналар ҳам, ёшлар ҳам кўрса бўладиган кино.

Бироқ атрофдаги томошалар ундан-да «қизиқ»лиги эътиборингизни тортади. Бир-бирига суйкалиб, ўпишиб ўтирган ёшларни кўриб, кимдир, томошанинг зўри бу ёқда экан-ку, деди. Упишаётганларнинг кино билан умуман иши йўқ, бир-бирига чунонам чирмашганки... Кино тугаб, одамлар кетишга чоғланди, аммо улар гўё-

— Сизни нима ишингиз бор?! Ота-онаммисизки, тергайсиз, ёки...

Опахон унга ор-номусли йигит «қизини» асрашини — шаънига гард юқтирмаслигини тушунтиришга ҳаракат қилди. Лекин йигит аёлнинг гапидан энсаси қотди, эшитишни ҳам истамади. Ҳар замонда «чирт» этиб тупуриб кўярди.

Холис айтинг, улар ким? Ўзга сайёраданми? Йўқ, албатта. Улар бизга бегона эмас — ўғлимиз, қизимиз, синглимиз, укамиз — бари ўзимизнинг ёшлар. Шундай экан, уларни кўриб бефарқ ўтиб кетишга, лоқайд бўлишга биз, катталарнинг ҳаққимиз йўқ. Уларни тартибга қақириш, танбех, тарбия беришга ҳар биримиз бурчлимиз.

ОТА-ОНА — ОИЛАДА ОЙНА

Катталар юриш-туриши бола учун гўёки ойна. Оилада отанинг хатти-ҳаракати ўғлига, онаники қизига бево-сита таъсир қилади. Болани оғзидан қандай сўз чиқаётганига қараб у қандай оилада тарбия топаётганини пайқаса бўлади. Шундай оталар борки, нафақат хотинига, балки боласига ҳам сўқиниб гапирди.

— Тезроқ юр-е, онагни... — кўчадан кимнингдир бақираётгани, сўнг қаттиқ кулги овози эшитилди. «Кимдир эрталабдан ичиб олганми», деган хаёлга бориб, деразадан қарадим. Тўрт-беш ёшли болакай йиқилгудек бўлиб отаси томон югуриб кетяпти. Сотувчи хотиндан сигарет олаётган Тўлқин ўғлини кутиб турибди. Атрофда тўрт-бешта йигит дам болага, дам отага қараб қўйишарди. Дадаси боласига сўқинганда эса йигитлар хохолаб кулиб юборди. Буни кўриб ота илжайди: «Кўриб қўйларинг, бизнинг ўғлини. Шу пайтдан қулоғини қотириб бориш керак», — деди йигитларга қараб.

Тўлқин ўғли Бекзодни даярли ҳар куни боғчага шу сўзлар билан «эркалаб» олиб боради. Кичкина Бекзод бу сўзнинг танишлигини билса-да, маъносини тушунмай, дадасига «лом-мим» демайди. Аммо болага хос хусусият — эшитган сўзларини ичида ўз-ўзига гапиргандай шивирлаб такрорлайди. Боғчада кўпинча ўйинчоқларига, айниқса, машинанинг гилдираги юрмай қолса, у ҳам шу сўзларни бинойидек қўлайди: «Юрсанг-чи, нега юрмайсан, ҳе, сани!..»

— Ўғлингиз Бекзод яхши, лекин жимитдай бола ўртоқларига сўқиниб гапирди, — деди боғча опа бир куни Тўлқинга. — Ёмон сўзни болалар ҳам ўрганиши мумкин...

Боғча опанинг гапига Тўлқиннинг лоқайдгина жавоби шу бўлди:

— Ҳали кичкинаю, қолаверса, ўғил бола бўлса, ҳеч нарса қилмайди!

Майсара НАЗАРОВА,
«Turkiston» мухбири

ҚИЗИНГИЗ ШАЪНИНИ АСРАНГ!

Театр, киноларга тушиб маданий ҳордиқ олиш, албатта, яхши.

Ҳамкасбимнинг: «Яхши

ки атрофда ҳеч ким йўқдек бепарво.

Бундай «томошабин»ларни залнинг орқа ўриндиқларида кўпроқ учратиш мумкин. Таъбимизни хира қилгани бу ерда болалар ҳам, катталар ҳам бор эди. Бу шармандагарчиликларга кўзи тушганлардан кимдир ноқулай бўлди, кимдир ранжиди. Биров: «Йигитлардаги ор-ғурур, қизлардаги ҳаё, ибо, андиша қаёқда қолди?», дея атай уларга эшиттириб ўтиб кетди.

Бундай ҳолатларга фақат кинотеатрларда эмас, боғлар, бекат, хиёбонларда кундуз ҳам дуч келиш мумкин.

Катта хиёбон. Ёнгинасида нуфузли ўқув муассасаси. Ёшлар гавжум жой. Йигит ва қиз бир-бири билан бемалол кучоқлашиб турибди, уларга қараб ўтиб кетаётган одамларга эътибор қилишмайди.

— Сизни бир дақиқага мумкинми, ўғлим? — ўрта ёшли опохон йигитга юзланади.

— Менми, тинчликми? — ажабланиб йигит.

— Ўғлим, қаранг, кўпчилик сизларга ёмон қараяпти. Жамоат жойи бўлса. Ёнингиздаги чиройли қиз уятга қоляпти, бу яхшимас. Қизингизнинг шаънини асранг! — куюниб гапирди аёл.

Йигит аввал аёлга бошдан-оёқ разм солди, кейин истеҳзоли кулиб деди:



Йўловга ҳам баҳор келди

Т.Маҳамов олган сурат

■ Yurtning jasur farzandlari ■

МОТОПОЙГА ЧЕМПИОНЛАРИ

Юртимиз кўчаларида машиналар сони йилдан-йилга ортиб борапти. Бу эса ҳайдовчиларни янада ҳушёрроқ бўлишга ундайди. Ҳайдовчилар нафақат ҳушёр бўлиши, балки йўл қоидаларига ҳам қатъий риоя этиши зарур. Бунда ҳайдовчиларни тайёрлаш ва қайта тайёрлашга ихтисослашган муассасаларнинг ўрни алоҳида.

Бугун мамлакатимиздаги бундай муассасалар фаолияти самарадорлигини оширишга катта эътибор қаратилиб, соҳада моддий-техник база яратилди, муайян ишлар амалга оширилади. Мудофаага кўмаклашувчи «Ватанпарвар» ташкилотининг Денов туман кенгашида замон талаблари асосида ҳайдовчилар тайёрлашга, шу билан бирга, спортнинг техник ва амалий турларини ривожлантириш ва оммалаштиришга алоҳида эътибор қаратилган.

Айни пайтда бўлажак

ҳайдовчиларнинг етарли даражада билим олишлари учун ҳам назарий, ҳам амалий машғулотлар малакали мутахассислар томонидан олиб борилади. Турли русумдаги енгил ва юк автомобиллари тингловчилар ихтиёрида. Махсус ўқув жихозлари билан таъминланган хоналарда бўлажак ҳайдовчилар зарур кўникма ва билимларга эга бўлмоқда. Спортнинг техник ва амалий турларини янада оммалаштириш борасида амалга ошириладиган ишлар ижобий нати-

жа берапти. Шу боис спортчилар вилоят ва республика миқёсида ўтказилаётган турли мусобақаларда қатнашиб, фахрли ўринларни эгаллаяпти.

Ўтган йили «Ватанпарвар» ташкилотининг ўқув-спорт техника клуби аъзолари Тошкент шаҳрида картинг бўйича катталар ўртасида ўтказилган республика биринчилигида қатнашиб, учинчи ўринга сазовор бўлди. Ҳар йили февраль ойида Жарқўрғон туманида мотопойга бўйича Ўзбекистон чемпионати ўтказиб келинади. Мазкур мусобақада юртимиздаги энг моҳир мотопойгачилар иштирок этади. Шунингдек, яқинда Норали Боймуродов хотирасига бағишланган турнирда ҳам мамлакатимизнинг барча вилоятларидан мотопойгачилар иштирок этади.

Қизгин ва мурасиз кечган мусобақада Сурхондарё вилояти жамоаси биринчи ўринга сазовор бўлди. Бу ғалабага эришишда бизнинг мотопойгачилар ҳам муносиб ҳисса қўшишди.

Ютуқлар билан чеғаланиб қолмасдан, янада улкан ғалабаларга эришиш ниятидамиз. Мақсадимиз юртимиз тарраққиётига муносиб ҳисса қўша оладиган жисмонан соғлом, маънан етук авлодни тарбиялашдир. Шу билан бирга, спортнинг техник ва амалий турларини оммалаштириш орқали янада кўпроқ ютуқларни қўлга киритишни мақсад қилганмиз.

Жуманазар ИМОМОВ, Денов тумани Мудофаага кўмаклашувчи «Ватанпарвар» ташкилотининг ўқув-спорт техника клуби бошлиғи

■ Mening fikrim ■

БЕФАРҚ БЎЛМАЙЛИК

Бугун тенгдошларимиз жаҳон миқёсида ўзларининг юксак интеллектуал салоҳияти, билим ва маҳорати, қобилият ҳамда иқтидорини намойиш этиб, юртимиз байрогини янада баланд кўтармоқдалар. Уларнинг муваффақиятларини кўриб кўзинг қувнайди, кўнглинг чексиз ғурурга тўлади.

Бу каби ютуқларга эришиш учун яратилаётган имкониятлар муҳим аҳамият касб этади. Юртбошимиз ташаббуси билан жорий йилнинг «Соғлом бола йили» деб аталиши ва шу асосда ишлаб чиқилган Давлат дастури ёшларнинг янада соғлом ва баркамол бўлиб вояга етишида муҳим дастуриламал бўлиб

хизмат қилмоқда.

Болажон халқимиз бежиз «Бир болага етти маҳалла ота-она» демайди. Бу ҳикматдан ажодларимиз фарзанд камолотига юксак эътибор қаратганини англаш қийин эмас. Ушбу бардавом аъналар сабаб, ножўя ҳаракат қилаётган кўшнинг фарзанди

ёнидан катталар бефарқ ўтиб кетишмайди. Лоқайдлик бизга беғона. Танбеҳ бериб тўғри йўлга солмасдан йўлда давом этмайдилар.

Болани бежиз ниҳолга қиёс қилишмайди. У тўғри парваришга муҳтож. Унинг тошқин дарё каби қалбини тўғри ўзганга йўналтириш нафақат катталарнинг, балки биз, ёшларнинг ҳам вазифамиздир. Зеро, болалар келажагига барча дахлдордир.

Саломат ХАЛИЛОВА, П.Боровский номидаги тиббиёт коллежи ўқувчиси



Кўнгилисизлик

Яманнинг жанубий соҳилларидан бирида рўй берган кема ҳалокатида 42 киши ҳалок бўлди.

Ҳалок бўлганлар, асосан, африкалик мигрантлар эди. Қирғоқнинг қутқарувчи ҳарбийлари ўттизга яқин кишини қутқаришган. Тирик қолганлар Майфаа шаҳридаги махсус лагерга жўнатилган. Маълумотларга қараганда, Эфиопия ва Сомалидан Саудия Арабистонига йўлга чиққанлар Яман орқали ўтишди. Ҳозиргача Саудия Арабистонидан мигрантлардан тўрт миллионга яқини ишлаш учун махсус рухсатнома олган.

Антиқа ўйинда антиқа рекорд

Ҳиндистонда ҳар йили ўтказиладиган анъанавий клавиатурада кўла ишлашдан ҳарф териш мусобақасида Муҳаммад Хуршид Ҳусайн ғолиб бўлди.

Антиқа рекордни ўрнатган Муҳаммад белгиланган матни бурни билан қисқа муддатда териб, Гиннес рекордлари рўйхатидан ўрин эгаллади. 23 ёшли бу йигит 103 та белгини 47 сонияда ёзди. Бундан олдинги рекорд Бирлашган Араб Амирликлари фуқаросига тегишли эди. Ушанда у айнан шу матни 1 дақиқаю 33 сонияда ёзган эди. Ҳусайн кунига олти марта шуғулланиб, рекордни янгилади. Айтиб ўтиш керак, бармоқ билан ҳарф теришда ҳам Ҳусайн рекордчилар сафидан жой олган.

Тартибсизлик зарари ошмоқда

Венесуэланинг социалистик ҳукуматиға қарши намойишларда ҳалок бўлганлар сони йигирма нафарга етди.

Ҳалок бўлганлардан бири, баррикада-тўсиқни бузиб ўтиш вақтида яраланган ва воқеа жойида ҳалок бўлган. Ҳарбийлардан ҳам бир нечтаси (аниқ маълумотлар вақтинчалик ошкор этилмаяпти) ўқотар қуроллардан ҳалок бўлди. Ҳукумат раҳбари Николас Мадуро эса буларнинг ҳеч бири жазосиз қолмаслигини таъкидлаган. Намойишчилар фақат мамлакатнинг собиқ президенти Уго Чавес вафотининг бир йиллиги муносабати билан бир кунгина вақтинча тинч туришга рози бўлган.

Сабаби номаълум

Бортида 170 нафар йўловчиси бўлган «Airbus 320» самолётининг кўниш вақтида шоссеси ёниб кетган.

Ҳарқалай, ёнғин натижасида ҳеч ким жабрланмаган. Воқеа Ҳиндистоннинг «Indigo» авиокомпаниясига тегишли самолёт Непалга кўнаётганда содир бўлди. Самолёт ерга кўнғач, йўловчилар зудлик билан хавфсиз жойга кўчирилди. Воқеанинг аниқ тафсилотлари ошкор этилмаяпти. Айни пайтда Непал авиация хизмати воқеа тафсилотларини ўрганмоқда.

Интернет манбалари асосида Жавоҳир ҚАРОМатов тайёрлади



ДИҚҚАТ, ТАНЛОВ!



Футбол ўйнашнинг, футбол ҳақида ўйлашнинг қотираман, деган, юрагида ўти бор мухлислар учун зўр имконият!

«ИНТЕЛЛЕКТУАЛ ФУТБОЛ»

ТАНЛОВ-ВИКТОРИНАСИ

Викторинада иштирок этиш жуда осон! Сиз газетамизда эълон қилинадиган Ўзбекистон ва жаҳон футболга оид саволларга ўз вақтида тўғри жавобларни йўллаб борсангиз, кифоя. Танлов шу йилнинг **30 июнигача** давом этади. Унда энг кўп очко тўплаган уч нафар мухлис Бразилияда бўлиб ўтадиган жаҳон чемпионати финали олдидан тақдирланади. Танловда **30 ёшгача** бўлган мухлис ва мухлисалар қатнашишлари мумкин.

11-савол:

Ўзбекистон кубогининг биринчи финалига мамлакатимизнинг қайси шаҳри мезбон бўлган?

Жавобингизни intellekt_sport@mail.ru электрон манзилига савол эълон қилинган кундан бошлаб бир ҳафта ичида ўзингиз ҳақингизда қисқача маълумот ва телефон рақамингиз билан бирга жўнатишингиз лозим.

■ Hashar — yoshlarga yarashar! ■

ОБОДЛИКНИНГ ҲАЛОВАТИ ЎЗГАЧА

Баҳор келиши билан юртимиз бўйлаб ҳашарлар уюштирилиб, кўчаю маҳаллалар файзига файз қўйилади. Гуллар экилиб, кўчатлар ўтқазилди. Қайси манзилга йўлингиз тушса, ажойиб манзарага гувоҳ бўласиз.

«Камолот» ёшлар ижтимоий ҳаракати Бухоро вилояти кенгаши ташаббуси билан ўтказилган «Юртим ободлигига менинг ҳиссам!» шиори остидаги ҳашар ана шундай эзгу ишлардан бўлди.

Вилоят марказида жойлашган тўртта олий таълим муассасаси, йигирма битта академик лицей ҳамда касб-хунар коллежи, қирқта мактаб, корхона ва ташкилотларда ўқиб, фаолият кўрсатаётган йигирма минг нафарга яқин тенгдошимиз шаҳар ободлигига ҳисса

қўшди. Кўчалар ва гулзорлар тозаланиб, гуллар экилди, мевали ва манзарали дарахтлар оқартирилиб, шохлари буталди. Кўҳна ва боқий Бухоро монументи, вилоят Муסיқали драма театри, вилоят «Ёшлар маркази» қад ростлаган манзилга мингдан ортиқ кўчат ўтқазилди. Шаҳардаги ўн олтига кўча тозаланди. Ариқ ва зовурлардан ўн тўққиз тоннадан зиёд чиқинди чиқарилди.

Лайло ҲАЙИТОВА,
«Turkiston» мухбири



				Тьерри (футболчи)						Тез, чаққон	Дастлаб, биринчи			
Хўл мева	Алп, пахлавон		Рангли металл		Алмейда (футболчи)	«... ва чумоли» (масал)		Безак тури	Олтинчи нота		Ижозат, рухсат		Тропик мева	
			«... погоди!» (мультик)			Ширинлик тури				100 йил	... де Жанеро (шаҳар)			
Хашак, чўп		Каримов (актёр)					Кизлар исми	От, исм				Тур, хил	Столбол уйин тури	
			Юпитер йулдоши		Хафта кун	«Но...» (дори)				Портловчи модда	Автоинспектор асбоби		Ишчи, хизматчи	
Инкор этиш		Исирга, балдоқ		Узюкни кўзла, яқиндан изла	Франция ф/ж			Сигир (шевада)	Қадим вазн улчов бирлиги					
Кўй подаси, сурув		Уша (шевада)					Гита эгизаги				«Зил» аждоди			
				Эртадан кейинги кун					Дори тури (буқоқ)					
Мева тури, зардол	Май, бода						Бошлик, раҳбар				Она (татарча)			
				Туз (шевада)					... Ибодуллаев (бастакор)					

Тузувчи: Фахриддин Раҳимов

Биласизми?

ҲАММАСИ ЎЗИМИЗ ҲАҚИМИЗДА

Инсон ҳар қандай ҳолатда асабини асраши зарур. Мутахассисларнинг аниқлашларича, 90 фоиз касалликка кишилардаги стресс-асабийлик ҳолати сабаб бўлади.

Кўзларимиз ҳеч қачон ўсмайди, аммо бурун ва қулоқ умр давомида ўсишдан тўхтамайди.

Ўзимизга сезилмайди-ю, аммо ҳар бир кичик ҳаракатни амалга ошириш ҳам кўп мускулларнинг фаолиятига боғлиқ. Масалан, инсоннинг битта қадам ташлаши учун 200 та мускул ишлайди.

Инсон юраги бир йилда ўртача 40 миллион марта уради.

Ҳид билиш қобилияти 50 фоиз кишиларда 60 ёшдан кейин камайиб боради.

Кўзлар маълумотларнинг 85 фоизини эсда сақлаб қола олади.

Шоҳсанам МАҲМУДОВА тайёрлади

■ Samimiy tuyg'u ■

ОНАМГА

Онажон, азизимсиз,
Сиз-ла бахтли ҳар оним.
Суянчигим, боримсиз,
Сизсиз жону жаҳоним.

Ширин сўзларингизга
Эриб, мастона бўлай.
Меҳрибоним, мен сизга
Ўзим парвона бўлай.

Дилфуза АҲМЕДОВА,
Қибрай тумани

ЗУККО МУХЛИСГА САВОЛ:

Олимпиада ўйинларининг рамзи беш хил рангдаги бешта ҳалқадан иборатлигини биласиз. Айтинг-чи, улар қандай маънони билдиради?

Жавобингизни **14 март соат 16.00** га қадар **233-79-69, 233-95-97** рақамларига қўнғироқ қилиб беришингиз мумкин. Биринчи бўлиб тўғри жавоб йўллаган мухлис номи газетамизда эълон қилинади.

Ўтган сондаги саволнинг жавоби: Эркин Воҳидов.

Тўғри жавобни биринчи бўлиб Бухоро шаҳридан Исмоил Саидов йўллади.

YON DAFTARCHANGIZGA

Ақли расо инсон ўзгаларга беғараз қувонч бахш этиш билан шодланади.

Арасту